

Datum: 25.5.2017.

Broj: 06-01/582

Svim medijima – dostavlja se

Članica NO Razvojne banke FBiH usloвила svoju ostavku imenovanjem za v.d. izvršnog direktora

Mersiha Slipičević, članica Nadzornog odbora Razvojne banke FBiH svoju ostavku sa funkcije u NO usloвила je imenovanjem za člana uprave.

Sarajevo, 25. maj 2017. – Transparency International u Bosni i Hercegovini (TI BiH) je od Razvojne banke FBiH dobio potvrdu da je Mersiha Slipičević podnijela ostavku na mjesto članice Nadzornog odbora (NO) kako bi isti dan bila imenovana za v.d.izvršnog direktora ove banke. Slipičević je ostavku u NO usloвила svojim imenovanjem za člana uprave.

NO Razvojne banke je 15.2.2017. od Vlade FBiH tražio saglasnost za imenovanje Mersihe Slipičević za v.d. izvršnog direktora za upravljanje rizicima, u vrijeme kada je ista bila član NO, uz napomenu da je po ovom pitanju bila izuzeta od glasanja na sjednici. Vlada je saglasnost dala, a istog dana kada je imenovana za v.d. izvršnog direktora, Slipičević podnosi Uslovnu pismenu ostavku na mjesto članice NO. U ostavci, koja se nalazi u prilogu, navodi se kako „**ova ostavka ostaje na pravnoj snazi-važnosti jedino ukoliko na 64. Vanrednoj sjednici NO, zakazanoj za 22.02.2017.g. bude imenovana na mjesto vršioca dužnosti Izvršnog direktora, kao člana Uprave**“.

Slipičević je na ovaj način bila u sukobu interesa jer je mogla uticati ne samo na sopstveno imenovanje, već i na uslove rada, kao što su plata i druga prava vezana za njenu novu poziciju jer se materijalna prava izvršnih direktora ugovaraju uz prethodno odobrenje NO. Osim toga, Razvojna banka FBiH već više od dvije godine nema izvršne direktore i već dva puta su poništeni javni konkursi za ova mjesta, da bi se na kraju zloupotrijebila Uredba o vršenju ovlaštenja u privrednim društvima sa učešćem državnog kapitala, koja predviđa da se samo izuzetno mogu imenovati vršioci dužnosti direktora dok se okonča konkursna procedura.

Ovakvo sporno imenovanje predstavlja ogroman rizik za poslovanje ove banke jer se pod sumnjivim okolnostima i na sporan način u jednom licu preklapaju nadležnosti i ovlaštenja nadzornog organa i organa uprave. TI BiH je zbog toga od Agencije za bankarstvo FBiH tražio da iskoristi svoja nadzorna ovlaštenja nad poslovanjem Razvojne banke i izda nalog za otklanjanje utvrđenih nepravilnosti.

**Udruženje za borbu protiv korupcije Transparency International u BiH
Reg. No. UP08-07-1-616/11, Ministarstvo pravde BiH, Sarajevo**

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520
Poslovnica: Mula Mustafe Bašeskije 9/1, 71000 Sarajevo, Tel +387 33 220 049, Fax +387 33 220 047
E-mail: info@ti-bih.org
Web: www.ti-bih.org